

Dia di Aruba 2006

Celebracion en grandi di Dia di Aruba na Corsow

E actividad a crece den ultimo añanan

WILLEMSTAD — Mescos cu den e ultimo añanan, e aña aki tambe lo tin un celebracion di Dia di Aruba na Corsow.

Den añanan 80 y 90 tabata trata di un celebracion den ambiente masha sera cu invitado. E tempo ei e actividad tabata organisa pa Club Social Macuarima.

Despues cu a surgi un kiebraz den e organisacion aki un club di dama cu ta yama su mes Grupo Social Dividivi a cuminsa organisa e actividad aki. Mas y mas e actividad a crece.

Aña pasa e actividad a kibra tur asistencia. Mas cu 500 hende, tanto Arubianonan biba na Corsow como otro ciudadanonan a celebra Dia di Himno y Bandera.

Pa e aña aki a busca un luga mas

grandi cu por acomoda den careda di 800 hende. Esei ta confirma cu e actividad aki ta creciendo mas y mas y ta birando mas importante den calendario di actividadnan na Corsow.

E celebracion na Corsow lo cuminsa cu un ceremonia diasabra mainta 6'or pa hisa bandera di Aruba na Misa di Montaña.

E mesun anochi lo tin un Santo Sacrificio di Misa cu lo tuma luga 7'or di anochi. E misa lo ta presidi pa pastor Coby Henriquez cu por cierto ta di origen Rubiano.

Pa 9'or di anochi lo tin un encuentro social na Villa Maria caminda lo tin discursonan di orden di representantenan di Gobierno di Antia, Gobierno di Corsow y di e organisacion.

Tambe lo ta presente for di Aruba

minister di cultura Ramon Lee y diferente artista manera Vicente Kelly.

Actualmente tin mas o menos 3 mil persona di origen Rubiano biba na Corsow. E cantidad ta



varia dependiendo di cuanto estudiante bin Universidad Nacional di Antia y Instituto pa Formacion den Enfermeria (IFE).

Segun e censo di aña 2002, e promedio di edad di Rubianonan biba na Corsow ta 45 aña.

Den ultimo añanan tin mas atencion pa loke Aruba a alcanza cu su status aparte cu ta cumpli 20 aña. Corsow a vota pa un status aparte den e referendum di dia 8 di april 2005. Despues a fiha dia prome di juli 2007 pa cristalisa e fecha aki. E deliberacionnan ta tumando luga pa realisa e status aki cu Gobierno Hulandes, Gobierno di Antia, Gobierno di Aruba y e 5 teritorionan insular di Antia.

Tin mas interes di parti di banco y companianan Rubiano pa inverti den Corsow. Segun expectativanan economia di Corsow lo crece den proximo añanan, principalmente riba tereno economico.



**President di Parlamento
di Aruba**

drs. Mervin Wyatt-Ras

ta felicita henter Aruba

cu nos 20 aña di

Status Aparte 20 aña di Parlamento y

30 aña di nos Himno y Bandera

